

# جريدة حكاية

جمعه ايرتسى

نومرو ۴۶۶ صفر ۵ ۱۳۰۶ سنه تشرین اول ۱ سنه ۱۳۰۴ صحیفه ۵۲۷۴

( اشبو غزته بهر هفته جمعه ايرتسى کونلری چيقار . سنه لکی درسعات ایچون مجیدیه یکر می غروش )  
( حسابیله التمش غروشدر . طشره لر ایچون اون بش غروش پوسته اجرتی ضم اولنور . هر )  
( نسخه سی ینه مجیدیه یکر می غروش اولق اوزره یوز پاره یه هر یرده صاتیلور . درج اولنه جق )  
( اعلاناک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارتی )  
( دارسنده کائن جریده محاکم اداره سنه مراجعت ایلملیدر )

## قلمی

( فی ۲۸ محرم سنه ۳۰۶ وفی ۲۴ ایلول )  
( سنه ۳۰۴ نار بخیله درسعات و بالعموم )  
( ولایات استیناف مدعی عومیلکار یله یمن استیناف )  
( محکمه سی ریار سنه یازیلان تحریرات )  
( عومیه صورتیدر )

محاکمه ابراز اولنه جق اطبا راپورلرینک رسم  
تمغایه تابعیتی حقنده نعمیاً تبلیغ اولنان تحریرات  
عومیه احکامنه توفیقاً اطبانک مجروحین ومقتو-  
لینی کشف ومعاینه لرنده تنظیمه مجبور اولدقلری  
راپورلره دخی پول یاپشدر لاق لازم کلدیکی حالده

بدلنک نه طرفدن استیفاسی مقتضی بولن-  
بعض طرفدن سؤال اولنمقدن ناشی کیفیت انجمن  
عدلیه یه باحواله اولباده اعطا قلنان مذکرده  
هر نقدر رسم تمغایه نظامنامه سنده بوکبی راپورلرک  
استثنائتینه دائر صراحت کافیه بوق ایسه ده  
نظامنامه مذکورک مواد مخصوصه سی وجهله  
قرا اختیار مجلسلرینک تنظیمه مآذون اولدقلری  
اخبارنامه لک اسایش و حقوق عومیه نک محاکمه  
فظه سی مقصدینه مبنی حکومتک طلبی اوزرینه  
تنظیم واعطا اولنمسیله مضابط واعلامات جزاییه یه  
قیاساً رسم تمغایه معافیتی کوسترلسنه نظراً  
اطبانک مجروحین ومقتولینی کشف ومعاینه لرنده  
تنظیم ایده جکاری راپورلر دخی حقوق عومیه نک

محافظه سی ضمیمه ضابطه عدلیه مأمورلری طر -  
فندن وقوعبولان طلب اوزرینه تنظیم اولنان  
اوراق رسمیه دن اولوب اوتهدن برو بونلرک  
پوله تابع اولدیغی جهته اعلامات ومضابطجزایه  
واخبارنامه کبی رسم تمغادن استثناسی لازم  
کله چکی افاده اولمغله واشبو مطالعه موافق  
حال ومصلمت بولمغله بعدما اکاکوره ایفای  
معامله اولمسنه همت اولنسی سیاقنده شقه  
ترقیم قلندی .

### قسم غیر رسمی

- ( در سعادت محکمه استینافیه سی مدعی )
- ( عومیسی عزتلو خالد بک افندینک شهادت )
- ( عنوانلی مطالعات قانونیه سنک مابعدیدر )

انتخابی صورتک منع اولمسیده اومثلو مغایر  
معدلت حالر وقوعنه میدان ویرلامسی مقصدینه  
مبتنیدر

۲۸۷ نجی ماده ده اکر متهم صاغر ودلسر  
اولوبده یازی یازمق بیلز ایسه رئیس بونکله  
مبادله افکاره الکی زیاده الفت وملکه سی اولان

بریسنی رأساً ترجان تعیین ایده جکدر . صاغر  
ودلسر شاهدلر حقننده دخی بصورت اجرا  
قلنور . ماده سابقهده انتخابه متعلق شرائط  
سائره بوخصوصده دخی جاریدر صاغر ودلسر  
اولان متهم ویا شاهد یازی یازمق بیلدیگری  
حالده صوریه جق سؤالری ضبط کاتبی برورقه به  
تحریر ابله کندولر بنه ویره جک و بونلر دخی  
تحریراً جواب اعطا ایده جکدر ایدیلان سؤالر  
وویریلان جوابلر ضبط کاتبی طرفندن مجلسده  
قرائت ایدیلور . بوماده قانونیهده شهادت بخشه  
تعلق ایدن مسائلدن بریسی صاغر ودلسرک یازو  
یازمق بیلدیگی حالده ترجان وساطتیه اخذ  
شهادتی مسئله سیدرکه بصورت مجله احکام  
عدلیه نک یتمشجی ماده سنده دلسرک اشارت  
معهوده سی لسان ابله بیان کبیدر . ویتمش برنجی  
ماده سنده دخی ترجانک قولی هر خصوصده  
معتبردر دو محرر اولان قاعده کلیه قهیهده  
موافق ایدوکی بدیهی و بونک قباحت وجنحه  
دعوالرینک صورت رؤیتنه دأر اولان فصللرده  
کوسترلیه رک یالکز بومادهده یعنی جنایت فصلنده  
کوسترلسی مجرد اول و آخر بیان اولدیغی اوزره  
جنایت دعوالرینک اهمیتنه مینی اولوب یوخسه  
کرک صاغر ودلسرک وکرک ماده سابقهه موجبجه  
مطلوب اولان لسان ابله تکلم ایده میانلرک تخلیقی  
ترجان وساطتیه استجوابلری لدی الاقتصا قباحت

وجنحه دعوالرنده دخی جاری اوله جغی ظاهر  
وجلیدر . رئیسک ترجانی رأساً ( یعنی بلاطلب  
طوغر بدن طوغری به ) تعیین ایده جکنده دأر  
اولان قید قانونی ایسه اولدلسر شاهدک شهادتی  
مقصدلر بنه توفیق ایچون طرفیندن برینک  
استحضار و ترجان تعیینی طلب و تذکار ایتیش  
اوله جغی بر شخصک ترجان تعیینیه شهادتک  
تغییر واخلالنه میدان ویرلامک اوزره رئیسک  
طوغر بدن طوغری به ماده سابقهده مسطور  
شرائطه توفیقاً تحریری و تیشیه ایده چکی ترجانی  
بعدالتخلیف تعیین ایتسنی تأمیندن و ترجانک  
صاغر ودلسر ابله مبادله افکاره زیاده الفت  
وملکه سی اولسی حقننده کی تصریح دخی  
عقوبانده وعلی الخصوص جنایانده حزم و احتیاطه  
رکابتک درکار اولان لزوم ووجوبی الجا آتندن  
اوله رق ترجانلق وظیفه سنک اهلنه تودیعنی  
اخطار و تپیندن عبارتدر . دلسر ابله مبادله  
افکاره الکی زیاده الفت وملکه سی اولان اولدلسرک  
پدر ومادر وفرزند و برادری کبی دائماً برلکده  
بولنه بیله جک اقر بامی اولقی لازم کله جکندن  
دلسرک اشارتی اکلایم ایچون اومقوله  
اقر بامسنک ترجان تعیین اولنوب اولنمه جغی  
دخی شایان حل وایضاح رسمیه اولمغله بوکا  
دأر اولان مطالعه مک دخی بیانیه لزوم کوره رک  
دیرمکه دلسر اولان شخص متهم ایسه اشارات

معهوده سنک پدر ومادر وفرزند و برادری کبی اقر بامی  
ترجانلغنه تودیعنی اومقوله اقر بانک منهی وقایه به  
اوله جق غیرتلی بیطرفلغی محافظه به مرحج اوله بیله .  
چکی جهته جائز دکل ایسه ده شاهدک ذاتاً بی طرف  
اولسی بیلدیه نحت تأمینده بولندیر بیله جغی کبی  
شاهدک اقر بامسیده کندوسی کبی بی طرف اولقی  
ایجاب ایده جکندن دلسر اولان شاهد ابله مبادله  
افکاره بیان اولنان اقر بامی قدر الفت وملکه سی  
اولان کسنه خارجن بولنه مزایسه دلسر شاهدک  
اومقوله اقر بامی دخی بعدالتخلیف ترجان تعیین  
اولنه بیلور . دلسر شاهد یازو یازمق بیلورسه  
صور بیله جق سؤالرک ضبط کاتبی معرفتیه  
برورقه به بالتحریر کندوسنه و بر بیله رک شاهدک  
دخی تحریراً جواب اعطا ایلدیه چکی بخشه کلنجه  
بوقاعده دخی قواعد کلیه قهیه دن مأخوذدرکه  
مجله احکام عدلیه نک التمش طقوزنجی ماده سنده  
محرر اولدیغی اوزره مکاتبه نک مخاطبه دن فرقی  
اولدیغی غیر خفی و بنا برین دلسر شاهدک یازی  
بیلدیگی حالده بوصورتله اخذ شهادتی ترجانله  
حل اشاراتندن ده مناسب وسهولتی موجب  
اوله جغی تفصیلدن مستغیدر . مع مافییه شو  
ورقه استجوابیه به ابتدا ۲۶۸ نجی ماده ده محرر  
اولدیغی اوزره برکونه خوف وخشیت وغرض  
وخصومه مینی وارتنق اکسک اوله برق حقیقت  
حالی بیان ایده جکنده یمین ایتسی دخی درج  
وتحریر اولنهرق جواب النمی مقتضیدر .

بوماده قانونیه اصول محاکمات جزائیه قانونک  
استماع شهود حقنیده کی مواد قانونیه سنه خاتمہ  
اولغله مجتہد شہادت بورادہ واصل حد ذات  
وتشریح اہمیت شہادت رسیدہ مرتبہ کفایت  
اولہرق سوزہ نہایت ویرلمشدر .

( ۴ تموز سنہ ۳۰۴ تاریخلی و ۲۰۴ نومرولی )  
( محکمہ تمیز حقوق دائرہ سندن صدور ایدن )  
( اعلام اولوب اہمیتہ نظراً بروجہ آتی )  
( عیناً درج اولمشدر )

کنغری سنجانی داخلندہ دولی قریہ سندنہ مقیم  
عیسی اوغلی محمد افا ایلہ بینرندہ منحدت دعویہ  
دائر کنغری بدایت محکمہ سندن ۱۴ مایس سنہ  
۳۰۳ تاریخلی ودرت عدلیہ ویریلان اعلامک  
تمیزاً تدقیقی قریہ مذکورہ اہالیسنک باسند  
مصدق وکیلی علی چاوش طرفندن ویریلوب  
محکمہ تمیز استدا دائرہ سندن بامذکرہ دائرہ  
تبلغ اولنان عرضحال و متفرطاندہ استدا قلندہ  
یغندن دعوت واقعہ اوزرینہ قریہ مذکورہ  
اہالیسی جانبندن مومی الیہ علی چاوش وکالہ  
کلہرک مدعی علیہ محمد افا کلدیگی کی بروکیل  
دخی کوندردیکندن باش مدعی عمومی معاونی  
سعادتلو بورغاک افندی حاضر اولدیغی حالده  
اصول محاکمہ حقوقیہ قانونک ایکوز بکرمی

طقوزنجی مادہ سی حکمنہ بناء تدقیقات تمیزیه  
اجراسنہ ایتدار وادما واقادہ سی استفسار قلندی  
اعلام مذکور مندرجاتہ نظراً قریہ مذکورہ  
اہالیسنک منفعت وادارہ لرینہ ترک و حیوانلرینک  
رعینہ تخصیص قلندان قریہ مذکورہ دہ واقع  
قرہ طاش دیمکلہ معروف مرما ایلہ قوریلغہ  
مرقوم محمد افا فضولی مداخلہ ایلہ اغاج قطع  
واغیل بنا وانشا ایدرک منفعت عمومیہ بی اخلال  
ایتمکدہ اولدیغندن بختلہ مداخلہ واقعہ نک منعیلہ  
ذکر اولنان اغیلک ہمدی قریہ مذکورہ اہالیسی  
وکیلی جانبندن طلب ودعوی اولمشنہ قارشو  
مرقوم محمد افا دخی محل منازع فیہ مرما وقوری  
اولیوب اراضی موقوفہ دن اولہرق شراء عہدہ  
تصرفندہ ایدوکنی مدافعتہ افادہ وصورت  
تصرفنی مبین اوج قطعہ طاو سندی ابرازوارا  
ایلمسی اوزرینہ محکمہ جہ جریان ایدن محاکمات  
وتدقیقات نتیجہ سندنہ قریہ مذکورہ اہالیسی  
وکیلی جانبندن محل منازع فیہک اولاً مرما  
اولدیغی ادما اولمشیکن مؤخرأ قوری ایدوکی  
بیان قلندہرق شو صورتلہ دعواہ تناقص حاصل  
اولش اولغله مجلہ نک بیک التیوز قرق بدنجی  
مادہ سی موجبہ مسموع اولہ بیہ جنی کی  
بومقلہ قوری وجبلہ تصرف اولتیق فرمان عالی  
وحجج شرعیہ وسندات رسمیک ووجودینہ متوقف  
اولوب اہالی قریہ طرفندن بوکی اوراق  
ابراز اولنہ مامش وقریہ مذکورہ اہالیسنہ  
مخصوص قوری و مرما نامرلہ ہیج رکوناقید  
ومعلومات اولدیغی دخی دفتر خاقانی مأمور لغندن

تحقیق قلنش اولدیغنه و محل منازع فیہک مرقوم  
محمدک عہدہ تصرفندہ اولدیغی ایسہ قیود دفتر  
خاقانی وسندات مذکورہ مندرجاتیلہ ثابت  
اولدیغنه بناء مجلہ نک بیک بدیوز اتوز بدنجی  
مادہ سی موجبہ دعوی واقعہ نک ردینہ قرار  
ویرلدیکی مستبان اولمشدر .

مستدعی تمیز اہالی قریہ وکیلی علی چاوشک  
خلاصہ اعتراضاتی بدایہ محل منازع فیہک اولاً  
مرما وقوری اولدیغی ادما اولمش ایسہ دہ اخیراً  
تصحیح ایدلہرک قوری بہ حصر ایدلش وشو حالده  
دعواہ تناقص قلماش ایکن محکمہ جہ تناقضہ  
بناء دعوانک عدم استماعنہ قرار ویرلمسی احکام  
مجلہ یہ مخالف اولدیغی کی محل منازع فیہک قوری  
اولوب اولدیغنک تحقیق ضمنندہ کشف اجرا  
قلنامسی دخی اصول وقانونہ مغایر بولندیغندن  
بختلہ اعلام مذکورک تقضی استداسندن ومدعی  
علیہ محمد اغانک لایحہ سندنہ محرر نتیجہ جوابی  
دخی دعوی واقعہ دہ تناقض حصولنہ و محل  
منازع فیہ کندوسنک شراء تصرف ایتمکدہ  
اولدیغنک ثبوتنہ مبنی محکمہ بدایتجہ اہالیسنک  
دعوالرینک ردینہ قرار ویرلمسی اصول وقانونہ  
موافق اولدیغی بیانیلہ اعتراضات مسرودہ نک  
ردی واعلامک تصدیقی طلبندن عبارت بولنش  
وبالادہ محرر اعتراضی خارجندہ بردیہ جکی  
اولدیغی وکیل مومی الیہ دن بالسؤال اکلاشلند .

قدن صکرہ معاون مومی الیہ دن مطالعہ سی  
استفسار اولندقدہ مرقوم محمد افا طرفندن انشا  
اولنان اغل محلی اہالی قورینسنہ تجاوز ایدوب  
ایتمدیگی اکلاشلق ایچون اجرای کشفی لازم  
کلور ایکن محکمہ جہ بوجہندن صرف نظرایلہ  
تدقیقات قانونیہ نک نقصان براغلدیغنی بیان  
ایتمیلہ امر استیضاحک ختام بولدیغی تفہیم  
قلمشدر

( مابعدی وار )

« برنجی محاکمہ »

تزوج وعدیلہ قالی بنت بماندی قولوبورطینک بکرینی  
ازالہ ایلمسندنطولابی مظنون علیہ طوتیلان  
ایاطودوری قریہ لی قہوہ جی استراتی خرستولاب  
حقنندہ استنطاق دائرہ سنجہ اجرا قلنوب ثبوت  
تہمتہ مبنی لاجل المحاکمہ مدعی عمومیلک وظیفہ سنی  
ایفا ایدن قضا ضبطیہ ملازم اولی حسین افندی  
طرفندن طاقیلہ محکمہ یہ تودیع قلنان ادما نامہ  
وقرار نامہ ایلہ اوراق متفرعہ اوزرینہ طرفین  
علی الاصول بالجلب و یوم معیندہ اصالہ ورود  
ایتمیلہ رئیس محکمہ میخالائی قاچاروناس واعضا  
انکلی جبار واعضا صفتیلہ النان محکمہ نک کاتب

اولی نیکولاسی افندیلردن مرکب هیئت حاکمه حاضر ومدعی عمویک و وظیفه سنی ایضا ایدن ملازم مومی الیه حسین افندی مرکز ولایت جلیله به تخصیلمدار تعیین اولنوب محل مأموریت جدیده سنه اعزام قلمسندنطولابی وظیفه مذکوریه ایضا ایدن امروز جزیره سی پولیس مأموری احمد و ضبط کاتبی احمد وفق افندیلر موجود اولد  
قلری حالده اوچیوز درت سنه سی شهر اغستوسنک بکرمی ایکنجی بازار ارتسی کونی ساعت اوج راده لرنده علناً ووجاهاً اجرا سنه مبادرت قلنان محاکمه نك ضبط ورقه سیدر .

رئیس میخالاکی قاجار وناس افندی - مشتکیه نك شکایت نامه سنی علناً ووجاهاً او قویکز دیو ضبط کاتبی افندی به سویلدی .

ضبط کاتبی احمد افندی - مذکور شکایت نامه بی علناً ووجاهاً او قیوب خلاصه مألنی بروجهر زیر ضبط ایلدی .

خلاصه مأل - بوندن ایکی سنه مقدم استراتی لاب ایله نشانلامش اولدیغنی وتزوج ایده جکی وعدیله بوندن سکرز ماه مقدم بالاغفال بکرینی ازاله ایلدیکی وسکرز آیلق حامله بولندیغنی جهته مرقوم استراتی حقه حکم قانون جزانک اجرا .

سنی حاوی و فی ۴ مایس سنه ۱۸۸۸ تاریخ میلادیسنی محتویدر .

رئیس - مدعی عمویک ادعا نامه سنی او قویکز و خلاصه سنی ضبط ایدیکز دیو ضبط کاتبی افندی به سویلدی .

ضبط کاتبی - مذکور ادعا نامه بی علناً ووجاهاً او قیوب زبده مألنی ضبط ایلدی .

فذلکه مندرجاتی - مظنون علیه استراتی تزوج ایده حکم دیو مدعیه شخصیه قالی بی بالاغفال بکرینی ازاله ایلدیکی مع الیمین استجواب اولنان مخبران وانکل و عنکلنه وپا قسطنطی و قسطنطی حاجی واسیل و قسطنطی داغلا و ضبطیه پناپوٹک افادات و اخبار اتندن اکلاشلدیغنه مبنی مظنون علیه مرقومک قانون جزانک ایکبوزنجی ماده سی ذیلنه توفیقاً اتهامنه و مصارف محاکمه نك تحصیلنه حکم صدوری طلب و ادعاسنی حاویدر .

رئیس - مستنطاق قرار نامه سنی او قویکز و ضبط ایدیکز دیو ضبط کاتبی افندی به سویلدی .

ضبط کاتبی - مذکور قرار نامه بی علناً ووجاهاً و جهراً او قیوب خلاصه مألنی ضبط ایلدی .

زبده مأل - مظنون علیه استراتی کلیاً انکار

کیفیت ایلدور ایسه ده مظنون علیه دائمی صورته مزبوره قالینک خانه سنه کیدوب کلکده و مزبوره حامله قالدیغنی ایشتمش اولدیغندن مرقوم استراتی به خطاباً حامله ایتدیرن کندوسی اولدیغنه دائر مخبر وانکل پراشکوه نك افاده سی اوزرینه اسقاط جنین ایچون بر علاج یلوب بیلدیکنی مرقوم استراتی صورمش اولدیغنی مع الیمین مرقوم وانکل اخبار ایلسنه و مظنون علیه استراتی ایله مزبوره قالی عنکلنه بنت دبترینک خانه سنه اولدقلری حالده لیبلاً ماریه قره بتک خانه سنه کیدوب چوجنی بوزمق اوزره قول ایتش اولدقلرینی مزبوره عنکلنه دخی افاده ایتمسنه و ابرتسی کونی اقسام فی الواقع مرقوم و مزبوره ماریه قره بتک خانه سنه اولدقلری حالده قریه مختار اتندن قسطنطی حاجی واسیل و ضبطیه پناپوٹ و قسطنطی داغلا کیدوب ایشک اوکنی الدقلرینی مع الخلیف بیان ایلرینه و لیبلاً ساعت اوج دنصکره چوق دفعه لر مظنون علیه مزبوره قالینک خانه سنه کیدر ایکن رأی الیمین مشاهده و اسبابینی بالسؤال آشدیغنی جهته کندیکی مرقوم استراتی افاده ایلدیکی ره بانیتی نامه پنا قسطنطی اخبار ایلسنه نظراً مظنون علیه استراتی فعل مذکورک متجماً سری اولدیغنی دلائل و اخبارات قویه دن بحق اکلاشلدیغنه و حرکات واقعه قانون جزانک ایکبوزنجی ماده سی ذیلنه تماس ایدر مجازات

تأدیبه دن معدود بولندیغنه قرار ویرلدیکنی حاویدر .

مدعی عمومی مومی الیه - کلامه بالابتدار کیفیت آداب عمومی دن بولندیغندن محاکمه نك خفياً اجراسنی بیان و طلب ایلسی اوزرینه لدی التأمل جرم مدعی به آداب عمومیه مغایر بولندیغنه و علناً اجرای محاکمه سی حالنده محذور و جالتی موجب اولدیغنه و مدعی عمویک ادعا و طلبی دخی اصول محاکمه به و مصلحته موافق کورندیکنه مبنی قانون اساسینک سکسان ایکنجی و اصول محاکمات حقوقیه نك اوتوز بشنجی ماده لر یله محکمه تمیزک بوکا دائر اولان قراری احکامنه توفیقاً ادعای مذکور بالقبول اولوجمله محکمه نك محاکماته مخصوص او طه سی قپولرینک سدیله خفياً اجرامی لزومنه بالاتفاق قرار ویریلوب طرفینه علناً تفهیم قلندی

رئیس - قپولرک قیادلسنی خدمه نیکولایه امر ایتدی .

خدمه نیکولا - قپولری قپاتدی .

بونک اوزرینه خفياً اجرای محاکمه به باشلا نلدی .

رئیس میخالاکی افندی - مظنون علیه سن  
وصفت و اوصاف سائرہ میرہ سنی صورتی .

مظنون علیه استراقی - اسمی استراقی باباسنک  
اسمی خرستولاب تبعہ یونانیہ اداسندہ بولنوب  
قط حکومت محلہ صفت تابعیت یونانیہ سنی  
طانیوب عثمانلی طانیدیغنی ویکرمی درت یاشندہ  
قہوہ چی کروہندن امروز جزیرہ سنک ایاطودوری  
قریہ سندنہ متولد و مقیم اولدیغنی وخرستیان  
اورطودوقس مذہبندن مجردبولندیغنی سویلدی .

رئیس میخالاکی افندی - دعوا کزی تصویر  
ایدیکز دیو مدعی عمومیلک وظیفہ سنی ایفا ایدن  
ذاتہ سویلدی .

مدعی عمومیلک وظیفہ سنی ایفا ایدن پولیس احد  
افندی - ادعا نامہ سی مالی تکراراً وشفاهاً  
ودعواسنی ایضاحاً مشتکی عنہ مرقومک تأدیبنی  
طلب ایلدی .

مشتکیہ قالی - کندیسنی تزوج ایدہ جکم دیو  
بالا افعال بکرینی مرقوم استراقی ازالہ ایله اجرای  
فعل زناده دوام ایلدیکی وتولد ایدن چوجوق  
دخی صلبندن حاصل اولدیغنی بیان وادعاسنی  
دخی مخبرانک اخباراتیلہ مثبت اولدیغندن وپردہا  
آخریلہ تزویجی ناقابل امکان بولنمش اولدیغندن

یا کندیسنی تزویج ویاخود ضمان بکر اولہرق  
بوز عثمانلی لیراسی اعطاسنی طلب ایلدی .

رئیس میخالاکی افندی - علیہندہ عزو و اسناد  
اولنان شودعواہ قارشو مظنون علیهک جواب  
ومدافعہ سنی کندیسندن صورتی .

مظنون علیه استراقی - مزبورہنک بکرینی ازالہ  
ایتمدیکی وکرچہ عادت محلہ وجهلہ اون دفعہ  
قدرمزبورہنک خانہ سنہ وارمش ایسہدہ برابلیشیک  
ایتمدیکنی بیان وفعل مدعا ہی کلیاً انکار  
ایلدی .

رئیس میخالاکی افندی - دعوا کزک علی الاصول  
ثبوتہ مدار اولہجق اسباب وینسات قانونیہ  
مقنعہ کزی بیان ایدیکز دیو مدعی عمومی عمومی الیہ  
سویلدی .

مدعی عمومیلک وظیفہ سنی ایفا ایدن پولیس ما -  
موری - اوصاف سائرہ سیلہ اسامیسنی مین  
تقدیم ایلدیکی شہود پوصلہ سندنہ کوستریلان  
مخبرونک جلب واستماعنی طلب ایلدی .

رئیس میخالاکی - شہود پوصلہ سنی الارق مخبر  
کوستریلان میخال قوموش وانکل بابوشچی و عنکنہ  
بنت دیمتری وقسطنطی حاجی واسیل وقسطنطی  
داغیر وضبطیہ بنا بوط وپا قسطنطی نعون

جملہ سی جلب وحاضر اولوب اولدیغنی  
صورتی .

خدمہ نیقولا واطناش - وانکلدن ماعداد جملہ سی  
حاضر بولندقلربی خبر ویرمشلردر .

رئیس - محل مخصوص صلیبہ اوطورسونلر وچا -  
غرلقدہ برر برر کتریکز دیو خدمہ لره تنبیہ  
ومخبرلردن عنکنہ بی محکمہ یه کتریکز دیو  
سویلدی .

خدمہ نیقولا - مخبرہ مزبورہ عنکنہ بنت دیمتری  
محکمہ یه کتوروب شاهدلره مخصوص سند الیہ به  
اوطورتدی .

رئیس - مخبرہنک جملنامہ سنی طلب و کندیسنک  
سن وصفتنی دائمی وموقت ومحل ولادت و اقا -  
متنی وتابعیتنی ومذہبنی و طرفینی وقوعاتدن یعنی  
فعل مشتکابیدن ودعوادن اول ویاخود صکرہ  
تشخیص ایدوب ایتمدیکنی و طرفینہ قرابت رجبہ  
وصہریہ سی اولوب اولدیغنی و اولدیغنی حالده  
قنغی درجہدہ اولدیغنی و عداوت دینوبہ سی  
ودعوانک نتیجہ حکمیدسندن منفعت ومضرتی  
بولنوب بولندیغنی صورتی .

مخبرہ عنکنہ - اثبات وجود ایتک ایچون  
کندیسنہ اولجہ علی الاصول تبلیغ ایتدیریلان

جملنامہ بی محکمہ یه ارانہ وتقدم ایله اوتوزاویج  
یاشندہ تبعہ دولت عثمانیہ دن امروز جزیرہ سنک  
ایاطودوری قریہ سندنہ متولد و مقیمہ خرستیان  
اورطودوقس مذہبندن متأهلہ اولوب طرفینی  
کوچک یاشلرندنبیری تشخیص ایلدیکی رجاً وصہراً  
برکونا قرابت و عداوت دینوبہ سی ودعواہ  
مدخلی و نتیجہ حاصلہ سندن بر منفعت ومضرتی  
اولدیغنی سویلدی .

رئیس میخالاکی افندی - ازالہ ایدیلان قالینک  
بکرندنطولابی محکمہ شہادت ایچون سزی جلب  
ایتدی ییلدیکی کز کوردیک کز ایشتدیکی کز والحاصل  
معلومات کز ہرنہ درجہدہ ایسہ ناقص وزائد  
اولدیرق حقیقت حالی سویلدیہ چک کزہ دائر قانون  
سزہ یمن تکلیف ایدہ بور .

شاہدہ - ایدہ رم افندم دیمسیلہ همان رئیس  
افندیک ایاغہ قیام ایتلری حقندہ اولان اشارتی  
اوزرینہ ہیئت حاضرہ محکمہ و طرفین قیام  
ایدہرک مخبرہ انجیل شریف اوزرینہ وضع دستلہ  
آیینی وجهلہ تحلیفی اجرا اولندی .

رئیس میخالاکی افندی - شہادت کز نہ ایسہ سویلہ  
دکلہ یلم .

شاہدہ عنکنہ - مظنون علیه استراقی لیلاً  
برقاچدفعہ یالکز اولہرق مدعیہ شخصیہ قالینک

خانه‌سنة كتديكنى كوردىكى كى بركون مرقوم  
ومزبوره كندى خانه‌سنة اولدقلى حالد قالى  
استراتى به خطاباً « سندن صورت نامشروعده  
حاصل اولان چوجغى تولد ايلديكى حالدده  
قهوه خانه‌سنة براقه جغنى سويلديكنده » اوتا-  
نزميسك « ديدىكى ومزبوره ده » نيچون اوتانه يم  
بنى بو حاله كتوردىك « ديو سويلر وبونلك  
منازعه لرينه نتيجه ويرمك اوزره تاهل ايتلر  
استراتى به خطاباً سويلديكنده شمديك تاهله  
وقتى اولديغنى جواباً افاده واقشام اوزرى ماريه  
قره بتك خانه‌سنة كيدوب چوجغى بوزمغه لقردى  
ايتمكده بولندقلى سويلدى .

رئيس - مزبوره نك كرك ذات وكرك شهادتى  
عليهنده براعتراضلى اولوب اولديغنى طرفينه  
صوردى .

طرفين - بركونا اعتراض وافاده لى اولديغنى  
جواباً سويلديلر .

رئيس - مخبر ديكرى قسطنطى حاجى واسيلك  
محكمه يه كتورلمسى ايچون خدمه يه امر  
ويرمشدر .

خدمه - مخبر مرقومى كتوروب محل مخصوصنه  
اوطورندى .

رئيس - شاهد ديكرى وجهله مخبر مرقومك  
اوصاف ساژه سنى صوردى .

مخبر - اسمى قسطنطى باباسنك حاجى واسيل  
تبعه دولت عثمانيه دن اياطودرى قريه سى اهال-  
ليسندن التمش ياشلرنده قريه مذكوره مختارانندن  
متاهل طرفيني تشخيص ايدوب اصلا خصومت  
وقرابتى ودعواده مدخل و نتيجه حاصله سندن  
منفعت ومضرتى اولديغنى بيان ايلدكدن و اولجه  
طرفنه تبليغ ايتدبريلان جلبنامه يى ابراز ايه  
اثبات وجود ايلدكدنصكره حقيقت حالى سويليه-  
چكنه دائر اصولاً انجيل شريف اوزرينه وضع  
دستله تحلفى بالا اجرا استجواب ماده اولندقده  
براقشام مشتكيه قالىنك قرنداشى خانه‌سنة كلوب  
قز قرنداشى مزبوره قالى حمله اولديغندن و چوجغى  
بوزمق اوزره بو اقشام ماريه قره بتك خانه‌سنة  
كتدكلىنى افاده ايتسيله مختار بولنديغى ايچون  
حسب الوظيفه بوايشك اوكنى المق اوزره  
كوى قوريجيسى وضبطيه بنابوطى الارق همان  
مزبوره ماريه قره بتك خانه‌سنة كتدكلىنده  
مظنون عليه استراتى يى حوليده مشاهده و ليلاً  
ساعت اويچ صولارنده اولديغندن بو وقتده  
بوراده نه ارادىغى بالسؤال والده سى خسته  
اولديغندن مزبوره ماريه نك خانه‌سنة بولنان  
قرنداشى قسطنطى يى چاغرمغه ككش اولديغنى افاده  
ويوقاروده خانه‌سنة مزبوره قالى دغى موجود

رئيس - ديكر مخبر لر كى مرقوم پاپا قسطنطى به  
استسأل ايلدى .

شاهد - اسمى پاپا قسطنطى باباسنك دىتراكى  
فوقه تبعه دولت عثمانيه دن اياطودرى قريه سى  
ساكنلرندن پاپاس كروهندن قرق ياشنده طرفينه  
خصومت وقرابتى وماده ده منفعت ومضرتى  
اولديغنى و اولجه طرفنه تبليغ ايتدبريلان جلبنا-  
مه يى ابراز ايتمكده اثبات وجود ايله رك رهبانيتى  
نامنه حقيقت حالى سويليه چكنه دائر محكمه يى  
تأمين ايلدكدنصكره استجواب ماده اولندقده  
مظنون عليه استراتى ليلاً اوج درت دفعه  
مزبوره قالىنك خانه‌سنة يالكزجه كيدر ايكن

ايدىسه ده چوجق بوزمق كى به معامله به اجتناسار  
ايلدكلى كوريله مبوب مزبوره قالى يى الارق  
خانه‌سنة كتوردكلىنى اخبار ايلدى .  
رئيس ميخالاكى افندى - مخبر مرقومك كرك  
ذات وكرك شهادتى عليهنده برديه جكلى اولوب  
اولديغنى طرفينه صوردى .

طرفين - سكوت ايتديلر .

رئيس - مخبر ديكرى پاپا قسطنطى يى چاغريكز  
ديو خدمه يه امر ايتدى .

خدمه - مخبر مرقومى كتوروب محل مخصوصنه  
اوطورندى .

رئيس - ديكر مخبر لر كى مرقوم پاپا قسطنطى به  
استسأل ايلدى .

رئيس - خدمه لره و برديكى امر اوزرينه مخبر  
ديكلى ميخال قوموشى چاغروب محل مخصوصنه  
بعدا القعود مخبر ديكرلى كى حقهنده معاملات  
ابتدائيه لازمه اجرا واستسأل قلندى .

كورمكده نه افكارله كتديكى مرقومدن بالسؤال  
آشديغنى جواباً افاده واكثرى كچه ساعت  
اوچدنصكره كتديكى كورديكندن ينه « ماورا-  
ماطيا به مى يعنى قره كوزلى يه مى » كيدىور-  
سك ديديكنده « قره كوزلنده آشديغنى  
وسور اولديغنى جهتهله كتديكى بيان  
ايلديكى وشابدمق افكارنده ايسه بوده قابل  
اولديغنى مرقوم استراتى به افاده ايلديكنده  
بوافكارده اولديغنى مرقوم سويلش ومزبوره قالى  
مرقوم استراتى لاب طرفندن حمله اولديغنى تواتراً  
ايشتمش بولنديغنى اخبار ايلدى .

رئيس - مخبر مرقوم عليهنده برديه جكلى اولوب  
اولديغنى طرفيندن سؤال ايتدى .

طرفين - بوكا قارشو برشى سويلديلر .

رئيس - خدمه لره و برديكى امر اوزرينه مخبر  
ديكلى ميخال قوموشى چاغروب محل مخصوصنه  
بعدا القعود مخبر ديكرلى كى حقهنده معاملات  
ابتدائيه لازمه اجرا واستسأل قلندى .

مخبر - اسمى ميخال بابامى استيليانوز قوموش تبعه  
دولت عثمانيه دن اياطودورى قريه لى قرق بش  
ياشنده طرفينه خصومت وقرابتى اولديغنى  
وكنديلر يى تشخيص ايدوب ماده ده مدخل و نتيجه  
حاصله سندن مضرت ومنفعتى بولنديغنى جواباً

بعد البیان اولجه کندیسنه تبلیغ قلنان جلبنامه بی  
اراز ایتکله اثبات وجود ایدرک حقیقت حالی  
سویلیه جکنه دار علی الاصول انجیل شریف  
اوزرینه وضع دستله تحلیفی اجرا قلندنصرکه  
استجواب ماده اولندقدده برکیجه مزبوره قالینک  
والده سی وقرنداشی خانه سنه کلوب مزبوره قالی  
حامله اولدیغندن چوجغی بوزمق اوزره ماریه  
قره بتک خانه سنه کتوراش اولدیغنی سویلرله  
کیفیتی مختار قسطنطی حاجی واسیله اخبار ایتش  
و کندوسی کتدیکندن ماده نه بی انتاج ایتدیکنی  
بیلدیکی مظنون علیه استراتی مزبوره قالینک  
خانه سنه دائمی صورتله کیدوب کلدیکنی تواتراً  
ایشتمش ایسه ده چوجق کیک صلیندن حاصل  
اولدیغنی بیلدیکی مزبوره قالینک احوال  
خصوصیه سی بولنده اولدیغنی یعنی خانه سنه  
چوق کشیلر کیدر اولدیغنی افاده ایتدی .

طرفین - اشبو شهادته قارشو اختیار سکوت  
ایتدیلر .

رئیس - مخبر دیکری قسطنطی داغرینک  
کتورلمسی حقنده خدمه لره واقع اولان امر  
وافاده سی اوزرینه خدمه لر مخبر مرقومی کتوروب  
محل مخصوصنه اوتور تدقدنصرکه حقنده معاملات  
ابتدایه و قانونیه اجرا قلندی .

مخبر - اسمی قسطنطی باباسنک نیقولا داغری تبعه

دولت علیه دن ایاطودوری قریه سی اهالیسندن  
اوتوز یاشنده رنجبر کروهندن طرفینی تشخیص  
ایدوب برخصومت وقرابتی ودعواده مدخل  
ونتیجه حاصله سندن منفعت ومضرتی اولدیغنی  
بعدالسؤال اکلشلس واولجه کندوسنه تبلیغ  
قلنان جلبنامه بی اراز ایله اثبات وجود ایتش  
وحقیقت حالی سویلیه جکنه دار علی الاصول بین  
ایتدیرلدکنصرکه استجواب ماده اولندقدده مزبوره  
قالی حامله بولدیغنی چوجغی بوزمق اوزره ماریه  
قره بتک خانه سنه کتورلدیکنی قالینک قرنداشی  
افاده ایتش ومختار قسطنطی حاجی واسیل ایله  
برلکده مزبوره ماریه نک خانه سنه کتدکرند  
مظنون علیه استراتی بی حولی ایچنده بولوب  
بوراده نه ارا دیغنی سؤال ایلدیکنده نصلسه  
بوراده بولندیغنی سویلدیکی خانه مذکورده  
دخی مزبوره قالی بی بولشر ایسه ده چوجق بوزمق  
کبی برمعامله به تشبثلی کوربله مدیکی واوراده  
مظنون علیه ک قرنداشی قسطی دخی اوتورمقدده  
اولدیغنی سویلدی .

رئیس - شاهد قسطنطی حاجی واسل وقسطنطی  
داغره خطاباً قسطی لایک ماریه قره بتک خانه سنه  
نه ارا دیغنی سؤال ایلدی .

شاهد - مزبوره ماریه مرقوم قسطنینک سوکیلیسی  
اولدیغندن دائماً اورادن اکسینک اولدیغنی جواباً  
افاده ایتدیلر .

رئیس - مخبر دیکری ضبطیه پنابوطله ضابطی  
محمد چاوشک کلسنی خدمه لره ایلدیکی امر اوزرینه  
خدمه لر ضبطیه مرقومی وقول وکیلی محمد افانی  
دعوت ایدوب محل مخصوصنه بالاقعداد طلب  
واقعه اوزرینه طرفنه تبلیغ قلنان جلبنامه بی  
ضبطیه مرقوم اراز ایلدکنصرکه علی الاصول  
حقنده معاملات ابتدایه قانونیه اجرا قلندی .

مخبر - اسمی پنابوط باباسی یانی امروز جزیره -  
سنک ایاطودوری قریه سی اهالیسندن وتبعه  
دولت عثمانیه دن عساکر ضبطیه نفراتندن اوتوز  
سکز یاشلرنده اولوب طرفینی تشخیص ایدرک  
کندیلرینه خصومت وقرابتی ودعواده مدخل  
ونتیجه حاصله سندن منفعت ومضرتی اولدیغنی  
بعدالسؤال اکلشلسلدقدنصرکه علی الاصول  
بالتخلیف استجواب ماده اولندقدده مختار قسطنطی  
هاجی واسیلک افاده سی اوزرینه مزبوره قالینک  
چوجق بوزمق اوزره کتمش اولدیغنی ماریه  
قره بتک خانه سنه برلکده بالعزیمه مظنون علیه  
استراتی بی خانه حولیسنده وقالی بی دخی بوقاروده  
خانه ده بولشر ایسه ده بوکبی برمعامله به تشبثلی  
کوربله مدیکی وقالی بی الوب قرنداشی خانه لرینه  
کتورمش اولدیغنی اخبار ایلدی .

طرفین - بوکا قارشو اعتراض ایتدیلر .

مدعی عمومیلک وظیفه سنی ایفا ایدن پولیس مأهوری

اجد افندی - مخبر دیکری وانکل کباش  
اولدیغندن لزومه مبنی انک جلبلیه استجوابی  
سرد ایتش ولدی التامل مخبر مرقوم وانکلک  
لاجل الاستجواب جلی ایچون کیفیت اوکزده کی  
پنچیشیه کوننه تعلیق قلندیغنی طرفینه تفهیم  
ایدلی .

فی ۲۲ اغستوس سنه ۳۰۴

( مابعدی وار )

# اعلان

اسکدار چارشوسنده چرپانلی مصطفی نام صبی بی  
عربه سنه چکنتهرک مجروحینه سببیت ویرمسندن  
واسکله مرکزنده پولیس چاوشی محمد افندی به  
حین دردستنده حقاتر ایتسندنطولابی مظنون  
علیه بولنان اسکدارده آچیق تره ده وزنده دار  
جمال بکک عربه جیسی اولدیغنی خبرورن شبین  
قره حصارلی حسن بن حسین یازیلان  
جلبنامه ده مرقومک غیوبت ایلدیکی بیلدیرلمش  
واکمال محاکمه ضمننده تشرین اولک یکرمنجی  
چهارشنبه کوننه یازیلان جلبنامه اصول محاکمه

حقوقیه قانون موقتک بکرمی التنجی ماده سنه  
توفیقاً محکمه دیوانخانه سنه تعلیق قلند یغندن یوم  
مذ کورده مرقومک اثبات وجود ایتدیکی تقدیرجه  
اصول محاکات جزاییه قانون موقتک بوزیتمشنجی  
ماده سی حکمنجه حقنده علناً معامله غیاییه  
اجرا اولنه جنی اعلان اولنور .

فی ۲۶ ایلول سنه ۳۰۴

قوزغنجقده ملت موسوبه دن وبغچوان اصنافندن  
کمال و ایرانی مرکبجی محمد مدحت و برادری مناح  
بن مدحتک یکدیگری ضرب ایش اولدقلندن  
اجرای محاکم لری ضمنده یازیلان جلبنامه  
اوزرینه ایرانی محمد ایله مناحک غیبوبت ایلدکری  
یلدیرلمش واکمال محاکمه تشرین اولک بکرمنجی  
چهارشنبه کونه تعلیق قلتمش اولغله مرقومان حقنده  
یازیلان جلبنامه محکمه دیوانخانه سنه تعلیق قلند یغندن  
یوم مذ کورده مرقومان محمد و مناح اثبات وجود  
ایلدکری تقدیرده اصول محاکات جزاییه قانون  
موقتک بوزیتمشنجی ماده سی حکمنجه حقنده علناً  
معامله غیاییه اجرا اولنه جنی اعلان اولنور .

فی ۲۶ ایلول سنه ۳۰۴

قاضی قریه سنده بغچوان میخالت بوستانده کی  
سبره وائی قلع ایدرک مرقومی اضرار ایتسند  
نطولایی مظنون علیه اولوب یازیلان جلبنامه  
اوزرینه غیبوبت ایلدیکی یلدیریلان دیمتری ولد  
کریاقونک اجرای محاکمه سی ضمنده تشرین اولک  
بکرمنجی چهارشنبه کونه یازیلان جلبنامه اصول  
محاکمه حقوقیه قانون موقتک بکرمی التنجی ماده سی  
حکمنه توفیقاً محکمه نك دیوانخانه سنه تعلیق  
قلتمش اولد یغندن مرقومک محکمه ده اثبات وجود  
ایتدیکی تقدیرده اصول محاکمه جزاییه قانون  
موقتک بوزیتمشنجی ماده سی حکمنجه حقنده  
علناً معامله غیاییه اجرا اولنه جنی اعلان اولنور .

فی ۲۶ ایلول سنه ۳۰۴

عساکر بحریه شاهانه اطغاییه طابورینک سکرنجی  
بلوکی صره چارشی اولوب قهوه سی علی چارشله  
چراغی علینک ساعتی سرقت ایتسندن طولایی  
مظنون علیه بولنان طربزونلی اسماعیل بن عمرانک  
استبدالاً اخراج ایلدیکی منسوب اولدیغی دائرة  
عساکریه دن یلدیرلمش واکمال محاکمه ضمنده  
تشرین اولک بکرمنجی چهارشنبه کونه یازیلان  
جلبنامه اصول محاکمه حقوقیه قانون موقتک  
بکرمی التنجی ماده سنه توفیقاً محکمه دیوانخانه سنه

تعلیق قلتمش اولغله مرقوم اسماعیل چاوش یوم  
مذ کورده اثبات وجود ایتدیکی تقدیرده  
اصول محاکمه جزاییه قانون موقتک بوزیتمشنجی  
ماده سی حکمنجه حقنده علناً معامله غیاییه اجرا  
اولنه جنی اعلان اولنور

۲۸ ایلول سنه ۳۰۴

چنک قریه سنده بیکاردره سنده سلوی مهاجریندن  
احد اغانک کلبه سندن اشیا سرقت ایتسندن طولایی  
مظنون علیه بولنان استحکام الاینک برنجی  
طابورینک دردیجی بلوکننده قوندره سی اونباشیسی  
قسطنطونیلی طاهر بن الیاس اغانک استبدالاً  
اخراج ایلدیکی منسوب اولدیغی دائرة عساکریه دن  
یلدیرلمش و تشرین اولک بکرمنجی چهارشنبه  
کونه اکمال محاکمه ضمنده تنظیم اولنان جلبنامه  
اصولنه توفیقاً محکمه دیوانخانه سنده تعلیق قلتمش  
اولغله یوم مذ کورده مرقوم طاهر اغانک محکمه ده  
حاضر بولندیغی تقدیرده اصول محاکمه جزاییه  
قانون موقتک بوزیتمشنجی ماده سی حکمنجه  
حقنده علناً معامله غیاییه اجرا اولنه جنی اعلان  
اولنور .

۲۸ ایلول سنه ۳۰۴

ارن قریه سنده قهوه ده ساکن اولدیغی خبری یازیلان  
حسین بن علی اغانک توتون چاقیلغندن طولایی  
برای محاکمه یازیلان جلبنامه اوزرینه فرار ایلدیکی  
یلدیرلمش واکمال محاکمه تشرین اولک بکرمی ینجی  
چهارشنبه کونه تعلیق قلنوب یازیلان جلبنامه  
محکمه دیوانخانه سنه تعلیق قلتمش اولغله یوم  
مذ کورده مرقوم محاکمه ده اثبات وجود ایتدیکی  
تقدیرده اصول محاکات جزاییه قانون موقتک  
بوزیتمشنجی ماده سی حکمنجه حقنده علناً معامله  
غیاییه اجرا اولنه جنی اعلان اولنور .

۲۸ ایلول سنه ۳۰۴

قاضی قریه سنده قوش دیلنده ساکن قیوجی طومه  
زوجه سی ماریه قادینک کریمه لرینی عربیه چیکتتیرک  
مجر و حیتلرینه سبیب و رروب فرارده بولنان اسمی  
و محل اقامتی مجهول اولوب ارمی قتلک بطریق  
رتبتلو ازاریان افندینک عربیه جیمی ایدوکی  
استنطاً قنامه ده بیان قلنسان شخصک تشرین  
اولک بکرمی ینجی پنجشنبه کونی محاکمه علیه سی  
اجرا قلنه جنی جهتله تنظیم اولنان جلبنامه  
محکمه دیوانخانه سنه تعلیق قلتمش اولغله یوم  
مذ کورده مرقوم محکمه ده اثبات وجود ایتد  
یکی تقدیرده اصول محاکمه جزاییه قانون

موقتک یوز یتمشجی ماده سی حکمنجه حقننده  
معامله غیایه اجرا اولنه جغی اعلان اولنور .

فی ۲۹ ایلول سنه ۳۰۴

جلبنامه ده غیوبت ایلدیکی بیان اولنمغله اکیال  
محاکمه ضمننده یازیلان جلبنامه سی محاکمه  
دیوانخانه سنه تعلیق قلندیغندن مرقوم یوم  
مذکورده اثبات وجود ایتدیکی تقدیرده اصول  
محاکمه جزاییه قانون موقتک یوز یتمشجی  
ماده سی حکمنجه حقننده علناً معامله غیایه اجرا  
اولنه جغی اعلان اولنور .

فی ۴ تشرین اول ۳۰۴

حیدر پاشاده ابراهیم اغازاویه سنده مهندس  
توفیق افندیله زوجه سی علییه خانم وژاندارمه  
دن مخرج حسین چاوشک یکدیگری علیهلرینه  
اقامه ایلدکری ضرب دعواسنک اجرای محاکمه  
سی ضمننده تشرین اولک یکرمی یتنجی پنجشنبه  
کوننه یازیلان جلبنامه حسین چاوشک محل  
اقامتی مجهول بولمسنندن طولایی اصول محاکمه  
حقوقیه قانون موقتک یکرمی التنجی ماده سنه  
توفیقاً محاکمه دیوانخانه سنه تعلیق قلندیغندن  
یوم مذکورده موی الیهک محاکمه ده بالذات  
حاضر بولمسی و عکسی تقدیرده اصول محاکمه  
جزاییه قانون موقتک یوز یتمشجی ماده سی  
حکمنجه حقننده علناً معامله غیایه اجرا  
اولنه جغی اعلان اولنور .

فی ۳ تشرین اول سنه ۳۰۴

ابواد اوغلی واسیلک در سعادت بدایت محاکمه سی  
برنجی حقوق دائره سنندن اعطا قلنسان اعلام  
موجبجه دنیا اوغلی یوان ذمتنده الاجغی اولان  
مبالغ معلومه نک تأمین تسویه سیچون مدیون  
مرقوم کتانبجیلر قپوسنده چلبی اوغلی علاءالدین  
محل سنده کائن اون درت واون التی نومرور له  
مرقم ابکی باب دکانک ایکیوز فرق سهم اعتبار یله  
متصرف اولدیغی اوتوز سهمی داین طرفندن  
تحت ججه الدیرلمش اولمغله مذکور سهمک تاریخ  
اعلانن اعتباراً اون بش کون صکره بالمزایده  
فروخته تشبث اولنه جغی در سعادت اعلامات  
نظامیه اجرا دائره سنندن اعلان اولنور .

فی ۵ تشرین اول سنه ۳۰۴

اسکدار اسکله سنده بوغجه جالغی ایلدیکی  
اسبب پازاری پولیس موقعندن تنظیم اولنان  
ژورنالده بیلدیر یلان انقره لی احمدک زوجه سی  
ضرب ایلنندن طولایی برای محاکمه تحریر اولنان